

懷遠縣志卷之十八



賜進士出身安徽鳳陽府懷遠縣知縣孫讓修

史冊英賢傳

蔣濟字子通楚國平阿人也仕郡計吏州別駕建安十三年孫權率衆圍合肥時大軍征荊州遇疾疫唯遣將軍張喜單將千騎過領汝南兵以解圍頗復疾疫濟乃密白刺史僞得喜書云步騎四萬已到雩婁遣主簿迎喜三部使齎書語城中守將一部得入城二部爲賊所得權信之遽燒圍走城用得全明平使於譙太祖問濟曰昔孤與袁本初對官渡徙燕曰馬

懷遠縣志卷之十八

傳
英賢

一

民民不得走賊亦不敢鈔今欲徙淮南民何如濟對曰是時兵弱賊疆不徙必失之自破袁紹北拔柳城南向江漢荊州交臂威震天下民無他志然百姓懷土實不樂徙懼必不安太祖不從而江淮間十餘萬衆皆驚走吳後濟使詣鄴太祖迎見大笑曰本但欲使避賊乃更驅盡之拜濟丹陽太守大軍南征還以溫恢爲揚州刺史濟爲別駕令曰季子爲臣吳宜有君今君還州吾無憂矣民有誣告濟爲謀叛主率者太祖聞之指有令與左將軍于禁沛相封仁等曰蔣濟寧有此事有此事吾爲不知人也此必愚民樂亂

妄引之耳促理出之辟爲丞相主簿西曹屬令曰舜舉臯陶不仁者遠臧否得中望於賢屬矣關羽圍樊襄陽太祖以漢帝在許近賊欲徙都司馬宣王及濟說太祖曰于禁等爲水所沒非戰攻之失於國家大計未足有損劉備孫權外親內疎關羽得志權必不願也可遣人勸躡其後許割江南以封權則樊圍自解太祖如其言權聞之卽引兵西襲公安江陵羽遂見禽文帝卽王位轉爲相國長史及踐阼出爲東中郎將濟請留詔曰高祖歌曰安得猛士守四方天下未寧要須良臣以鎮邊境如其無事乃還鳴玉木爲

懷遠縣志卷之十八

傳
英賢

二

後也濟上萬機論帝善之入爲散騎常侍時有詔詔征南將軍夏侯尚曰卿腹心重將特當任使恩施足死惠愛可懷作威作福殺人活人尚以示濟濟旣至帝問曰卿所聞見天下風教何如濟對曰未有他善但見亡國之語耳帝忿然作色而問其故濟具以荅因曰夫作威作福書之明誠天子無戲言古人所慎惟陛下察之於是帝意解遣追取前詔黃初三年與大司馬曹仁征吳濟別襲羨溪仁欲攻濡湏洲中濟曰賊據西岸列船上流而兵入洲中是爲自內地獄危亡之道也仁不從果敗仁薨復以濟爲東中郎將

代領其兵詔曰卿兼資文武志節忼愾常有超越江湖吞吳會之志故復授將率之任頃之徵爲尙書車駕幸廣陵濟表水道難通又上三州論以諷帝帝不從於是戰船數千皆滯不得行議者欲就留兵屯田濟以爲東近湖北臨淮若水盛時賊易爲寇不可安屯帝從之車駕卽發還到精湖水稍盡盡留船付濟船本歷適數百里中濟更鑿地作四五道蹴船令聚豫作土豚遏斷湖水皆引後船一時開遏入淮中帝還洛陽謂濟曰事不可不曉吾前決謂分半燒船于山陽池中卿於後致之畧與吾俱至譙又每得所陳

寔入吾意自今討賊計畫善思論之明帝卽位賜爵關內侯大司馬曹休帥軍向皖濟表以爲深入虜地與權精兵對而朱然等在上流乘休後臣未見其利也軍至皖吳出兵安陸濟又上疏曰今賊示形于西必欲并兵圖東宜急詔諸軍往救之會休軍已敗盡棄器仗輜重退還吳欲塞夾石遇救兵至是以官軍得不沒遷爲中護軍時中書監令號爲專任濟上疏曰大臣太重者國危左右太親者身蔽古之至戒也往者大臣秉事外內扇動陛下卓然自覽萬機莫不祇肅夫大臣非不忠也然威權在下則衆心慢上勢

之常也陛下既已察之於大臣願無忘於左右左右忠正遠慮未必賢於大臣至于便辟取舍或能工之今外所言輒云中書雖使恭慎不敢外交但有此名猶惑世俗况實握事要日在目前儻因疲倦之間有所割制衆臣見其能推移于事卽亦因時而向之一有此端因當內設自完以此衆語私招所交爲之內援若此臧否毀譽必有所興功負賞罰必有所易直道而上者或壅曲附左右者反達因微而入緣形而出意所狎信不復猜覺此宜聖智所當早聞外以經意則形際自見或恐朝臣畏言不合而受左右之怨

懷遠縣志卷之六八

傳
英賢

四

莫適以聞臣竊亮陛下潛神默思公聽並觀若爭有未盡于理而物有未周于用將改曲易調遠與黃唐角功近與文武比迹豈近習而已哉然人君猶不可悉天下事以適己明當有所付三官任一臣非周公旦之忠又非管夷吾之公則有弄機敗官之弊當今柱石之士雖少至於行稱一州智效一官忠信竭命各奉其職可並驅策不使聖明之朝有專吏之名也詔曰夫骨鯁之臣人主之所杖也濟才兼文武服勤盡節每軍國大事輒有奏議忠誠奮發吾甚壯之就遷爲護軍將軍加散騎常侍

司馬彪戰畧曰太和六年明帝遣平州刺史田

豫乘海渡幽州刺史王雄陸道并攻遼東蔣濟諫曰
凡非相吞之國不侵叛之臣不宜輕伐伐而不制是
驅使爲賊故曰虎狼當路不治狐狸先除大害小害
自巳今海表之地累世委質歲選計考不乏職貢議
者先之正使一舉便克得其民不足益國得其財不
足爲富倘不如意是爲結怨失信也帝不聽豫行竟
無成而還景初中外勤征役內務宮室怨曠者多而年穀
饑儉濟上疏曰陛下當恢崇前緒光濟遺業誠未
得高枕而治也今雖有十二州至于民數不過漢時
一大郡二賊未誅宿兵邊陲且耕且戰怨曠積年宗
廟宮室百事草創農桑者少衣食者多今其所急務
唯當息耗百姓不至甚弊弊劫之民倘有水旱百萬
之衆不爲國用凡使民必須農隙不奪其時夫欲大
興功之君先料其民力而燠休之勾踐養胎以存用
昭王恤病以雪仇故能以弱燕服彊齊羸越滅勁吳
今二敵不攻不滅不事卽侵當身不除百世之責也
以陛下聖明神武之略舍其緩者專心討賊臣以爲
無難矣又歡娛之耽害于精爽神太用則竭形太勞
則弊願大簡賢妙足以充百斯男者其冗散未齒且
悉分出務在清靜詔曰微護軍吾弗聞斯言也

漢晉春秋

則權之淺規或能輕兵掩襲未可測也 齊王卽位徙爲領軍將軍進爵

昌陵亭侯 列異傳曰濟爲領軍共婦夢見亡兒涕泣

下爲泰山伍伯憔悴曰辱不可復言今太廟西謳士

孫阿今見召爲泰山令願母爲白侯屬阿令轉我得

樂處言訖母忽然驚寤明日以白濟濟曰夢爲爾耳

不足怪也明日暮復夢曰我來迎新君止在廟下未

發之頃暫得來歸新君明日日中當發臨發多事不

復得歸永辭于此侯氣彊難感悟故自訴于母願重

啓侯何惜不一試驗之遂道阿之形狀言其備悉天

明母重啓侯雖云夢不足怪此何太適適亦何惜不

一驗之濟乃遣人詣太廟下推問孫阿果得之形狀

證驗悉如兒言濟涕泣曰幾負吾兒于是乃見孫阿

具語其事阿不懼當死而喜得爲泰山令惟恐濟言

不信也曰若如節下言阿之願也不知賢子欲得何

職濟曰隨地樂者與之阿曰輒當奉教乃厚賞之

言訖遣還濟欲速知其驗從領軍門至廟下十步安

一人以傳阿消息辰時傳阿心痛已時傳阿劇日中

傳阿亡濟泣口雖哀吾兒之不幸且喜亡者有知後

懷遠縣志卷之十八 傳英賢 六

月餘兒復來語母曰 遷太尉初侍中高堂隆論郊祀

已得轉爲錄事矣 事以魏爲舜後推舜配天濟以爲舜本姓媯其苗曰

田非曹之先著文以追詰隆 臣松之案蔣濟立郊議

出自邾魏書述曹氏胤緒亦如之魏武作家傳自云

曹叔振鐸之後故陳思王作武帝誄曰於穆武王胄

稷胤周此其不同者也及至景初明帝從高堂隆議

謂魏爲舜後後魏爲禪晉文稱昔我皇祖有虞則其

異彌甚尋濟難隆及與尙書繆襲往反並有理據文

多不載濟亦未能定氏族所出但謂魏非舜後而橫

祀非族降黜太祖不配正天皆爲繆妄然于時竟莫

能正濟又難鄭元注祭法云有虞以上尙德禘郊祖宗配用有德自夏已下稍用其姓氏濟曰夫蚪龍神于懶懶自祭其先不祭蚪龍也騏驎白虎仁于豺豸自祭其先不祭騏虎也如元之說有虞已上豺豸豸不若邪臣以爲祭法所云見疑學者久矣鄭元不考正其違而就通其義濟豺豸之譬 是時曹爽專政丁雖似俳諧然其義旨有可求焉

謚鄧颺等輕改法度會有日食變詔羣臣問其得失
濟上疏曰昔大舜佐治戒在比周周公輔政慎於其
朋齊侯問災晏嬰對以布惠魯君同異臧孫答以緩
役應天塞變乃實人事今二賊未滅將士暴露已數
十年男女怨曠百姓貧苦夫爲國法度惟命世大才
乃能張其綱維以垂于後豈中下之吏所宜改易哉
終無益于治適足傷民望宜使文武之臣各守其職
率以清平則和氣祥瑞可感而致也以隨太傅司馬
宣王屯洛水浮橋誅曹爽等進封都鄉侯邑七百戶
濟上疏曰臣忝寵上司而爽敢包藏禍心此臣之無

懷遠縣志卷之十八

傳英賢

七

任也太傅奮獨斷之策陛下明其忠節罪人伏誅社
稷之福也夫封寵慶賞必加有功今論謀則臣不先
知語戰則非臣所率而上失其制下受其弊臣備宰
司民所具瞻誠恐冒賞之漸自此而興推讓之風由
此而廢固辭不許孫盛曰蔣濟之辭邑可謂不負心矣語曰不爲利回不爲義疚蔣濟
其有焉是歲薨謚曰景侯世語曰初濟隨司馬宣王屯洛水浮橋濟書與曹爽言宣
王旨惟免官而已爽遂誅滅濟病其言之失信發病卒子秀嗣秀薨子凱嗣咸
熙中開建五等以濟著勲前朝改封凱爲下蔡子三國志

洪福者夏貴家僮也從貴積勞爲鎮巢雄江左

制鎮江北降福與子大淵大源下班祗候彭元亮結
貴軍復之加右武大夫知鎮巢貴既臣附招福不聽
使其從子往福斬之元兵攻城久不拔遣貴至城下
好語語福請單騎入城福信之門發而伏兵起執福
父子屠城中貴泣殺大源大淵諄曰法止誅首謀何
至舉家爲戮福叱曰以一命報宋朝何至告人求活
耶次及福福大罵數貴不忠請身南向死以明不背
國也聞者流涕 宋史姜才傳

元史杭忽思傳至元十三年從下沿江諸郡戍鎮
巢民不堪命宋降將洪福以計乘醉而殺之又昂

懷遠縣志卷之六

傳英賢

八

吉兒傳鎮巢降阿速軍戍之人不堪其橫都統洪
福盡殺戍者以叛昂吉兒攻拔其城擒福及董統
制譚正將遂攻廬州又世祖紀至元十三年淮西
制置使夏貴以淮西諸郡來降惟鎮巢軍復叛貴
遣使招之守將洪福殺其使夏親至城下福始降
阿木斬之軍中 按昂吉兒傳既破鎮巢擒福乃
攻廬州降夏貴與本紀不合

按福初爲鎮巢左軍都統鎮江軍之降元福不得
而主之迨殺戍者復鎮巢福乃爲知軍耳元史以
爲既降復叛誣也又昂吉兒傳攻拔鎮巢者昂吉
兒而本紀謂夏貴至城下福始降亦頗牴牾元人

修宋史不沒福之死節明人修元史乃反加福以叛降何其慎也

夏貴考城人見舊縣志宋史理宗紀淳祐六年閏四月

戊戌呂文德言今春北兵攻兩淮路鈴夏貴知州

王成倪政等帥舟師援安豐軍所至數戰將士陣

亡者衆詔贈官給恤其餘立功將士恩賞有差按夏

貴始見于此七月己巳呂文德言北兵圍壽春州師至

黃家穴總管呂文信夏貴戰龍岡有功詔文信轉

一官餘依等第轉補寶祐五年五月丁卯城荆山

置懷遠軍荆山縣壬午夏貴正任吉州刺史帶御

懷遠縣志卷之八傳英賢九

器械鎮江駐劄都統制知懷遠軍開慶元年四月

乙未詔賜夏貴溧陽田三十頃十一月庚申夏貴

入見帝撫勞甚至景定元年三月庚子命夏貴兼

黃壽策應使總舟師甲戌賞夏貴鴻宿州白鹿磯

戰功遷福州觀察使職任仍舊將士推賞四月己

亥賈似道表言夏貴等戰新生州近至白鹿磯皆

身自督戰有功己未以夏貴爲保康軍承宣使左

金吾上將軍知淮安州兼淮東安撫副使京東招

撫使賜金器幣溧陽田三十頃六月丁卯朔夏貴

奏淮安戰功三年五月庚辰夏貴上蘄縣戰功元史

世祖紀中統三年三月乙亥宋將夏貴攻符離乙酉宋夏貴攻蘄縣五月戊午蘄縣陷又云時宋將夏貴攻邳州總管李杲哥出降蓋卽此時十一月事而宋史不著陷蘄縣亦不及攻邳州事

以夏貴知廬州淮西安撫副使五年四月丁未以

夏貴爲樞密都承旨四川安撫制置使兼知重慶

府四川總領夔路轉運使元史世祖紀至元年六月宋制置使夏貴率兵

欲攻虎嘯山敕以萬戶石抹札札度宗咸淳四年刺兩軍益欽察戍之蓋是此時事

閏三月庚午賜夏貴金帶六年八月癸巳以夏貴

能舉職事進一秩元史世祖紀至元六年七月宋將夏貴率兵船三千至鹿門山

萬戶鮮汝楫李庭帥舟師敗之俘殺二千餘人獲其戰艦五十艘至元六年咸淳五年也宋史不著

七年八月甲子以錢三百萬遣京湖制置李庭芝

懷遠縣志卷之二十八

傳英賢

十

詣郢州調遣犒師丁未命沿江制置副使夏貴會

合策應以錢三百萬隨軍給用九年正月丁未以

夏貴檢校少保四月以夏貴兼侍衛馬軍都指揮

使十一月甲午以夏貴爲淮西制置使兼知廬州

乙未以夏貴爲淮西安撫制置使賜錢五萬激犒

備禦元史世祖紀至元十年十二月宋夏貴攻正陽淮西行院擊走之蓋此年也宋史不著

瀛國公紀咸淳十年十二月癸丑大元兵攻陽邏

堡夏貴以兵力守乙卯大元兵以偏師乘雪渡青

山磯丙辰都統程鵬飛鏖戰被重創歸鄂州大

元兵復攻夏貴于陽邏堡貴敗沿江縱兵大掠歸

廬州元史世祖紀至元十一年十二月丙午伯顏大軍次漢口宋淮西制置使夏貴都統高文

明劉儀以戰艦萬艘分據諸隘乙卯阿里海牙督

萬戶張宏範等攻武磯宋夏貴以兵來援丙辰進

軍沙洋洲抵觀音山夏貴東走又李恒傳伯顏進

攻沙洋恒為後拒至陽邏堡宋制置使夏貴遣其

子松來逆戰恒先陷陣額中流矢

伯顏止之恒戰益力卒射松殺之

孫虎臣與大元兵戰于丁家洲敗績奔魯港夏貴

不戰而去賈似道傳夏貴自合肥以師來會袖中

出編書示似道曰宋歷三百二十年似

道俛首而已時一軍七萬餘人盡屬孫虎臣軍丁

家洲似道與夏貴以少軍軍魯港二月庚申夜虎

臣以失利報似道倉皇出呼曰虎臣敗矣命召貴

與計事頃之虎臣至撫膺曰吾兵無一人用命也

貴微笑曰吾嘗血戰當之矣似道曰計將安出貴

曰諸軍已膽落吾何以戰公惟入揚州招潰兵迎

駕海上吾特以死守淮西耳遂解舟去元史世祖

紀至元十二年二月大軍次丁家洲賈似道分遣

步帥孫虎臣等集兵船于江之南北岸似道與淮

西制置使夏貴將後軍戰船二千五百餘艘橫亘

江中翌日伯顏命左右翼萬戶率騎兵夾岸而進

繼命舉巨炮擊之宋兵陣動夏貴先遁似道錯愕

失措鳴鉦斥諸軍散兵遂大潰阿先不花言夏貴

縱北軍岳全還稱欲內附宜降璽書招諭遂遣其

甥胡應雷持

詔往諭之

庚午加夏貴開府儀同三司以所部

兵入衛四月以樞密副使召夏貴提兵入衛元史李庭

傳聞夏貴欲由太湖援臨安亟出

兵逆戰裕溪口敗之當在此時

七月癸巳以夏

貴知揚州朱煥知廬州八月加夏貴樞密副使兩

淮宣撫大使十月朱煥至廬州貴不納元史本紀

世祖至元十三年二月丁酉詔劉穎程德輝招淮

西制置使夏貴宋元通鑑帝熈德祐二年二月時

戶昂吉兒俾駐和州進攻廬州夏貴以書抵伯顏曰願毋廢國力攻奪邊城若行都歸附邊城焉往至是舉所部納款元以貴爲淮西安撫使又元史張子良傳子懋伯顏滅宋命懋往諭淮西夏貴副以兩介將騎士直趨合肥貴出迎設賓主禮懋示以逆順禍福辭皆雄厲貴受命頓首上地圖降書淮西制置使夏貴以淮西諸郡來降四月辛亥命副樞張易遣宋降臣吳堅夏貴等赴上都十月戊子淮西安撫使夏貴請入覲乞令其孫貽孫權領宣撫事從之十二月賜降臣夏貴等銀鈔幣帛各有差十五年二月以叅知政事夏貴爲中書左丞四月戊午以江南土寇竊發人心未安命行中書省左丞夏貴等分道撫治

按宋史無夏貴傳故集宋元本紀所見者著之附于洪福之下以示懲焉亦桓氏傳不略桓元之例也夫貴于國事日棘之時外對強敵東西奔命蘄縣正陽鹿門虎嘯諸師雖勝敗無常宣力多矣疆圉倚之敵國畏之不亦雄傑矣哉國亡主滅隱忍偷生君子猶將薄責焉乃其袖書示賈似道以爲宋祚三百二十年是以喪敗爲固然而幸國家之傾覆也是可忍也孰不可忍嗚呼貴子松以沙洋之戰殞身行陣徒以貴故不得與効忠死節者比數哀哉七脩類彙載貴軼事云丙子春貴降元授

中書左丞已卯死有弔以詩者曰享年八十三何不七十九嗚呼夏相公萬代名不朽又文信國集杜詩曰借問大將誰戰骨當速朽逆節同所歸水花笑白首亦指貴也

常遇春字伯仁懷遠人貌竒偉勇力絕人猿臂善射初從劉聚爲盜察聚終無成歸太祖於和陽未至困臥田間夢神人被甲擁盾呼曰起起主君來驚寤而太祖適至卽迎拜時至正十五年四月也無何自請爲前鋒太祖曰汝特饑來就食耳吾安得汝留也遇春固請太祖曰俟渡江事我未晚也及兵薄牛渚磯

懷遠縣志卷之十八

傳英賢

三

元兵陳磯上舟距岸且三丈餘莫能登遇春飛舸至太祖麾之前遇春應聲奮戈直前敵接其戈乘勢躍而上大呼跳盪元軍披靡諸將乘之遂拔采石進取太平授總管府先鋒進摠管都督時將士妻子輜重皆在和州元中丞蠻子海牙復以舟師襲據采石道中梗太祖自將攻之遣遇春多張疑兵分敵勢戰旣合遇春操輕舸衝海牙舟爲二左右縱擊大敗之盡得其舟江路復通尋命守溧陽從攻集慶功最從元帥徐達取鎮江進取常州吳兵圍達于牛塘遇春往援破解之禽其將進統軍大元帥克常州遷中翼大

元帥從達攻寧國中流矢裏創鬪克之別取馬駝沙以舟師攻池州下之進行省都督馬步水軍大元帥從取婺州轉同僉樞密院事守婺移兵圍衢州以奇兵突入南門甕城毀其戰具急攻之遂下得甲士萬人進僉樞密院事攻杭州失利召還應天從達拔趙普勝之水寨從守池州大破漢兵於九華山下語具達傳友諒薄龍灣遇春以五翼軍設伏大破之遂復太平功最大太祖追友諒于江州命遇春留守用法嚴軍民肅然無敢犯進行省叅知政事從取安慶漢軍出江游徼遇春擊之皆反走乘勝取江州還守龍灣

援長興俘殺吳兵五千餘人其將李伯昇解圍遁命蹙安慶城先是太祖所任將帥最著者平章邵榮右丞徐達與遇春爲三而榮尤宿將善戰至是驕蹇有異志與叅政趙繼祖謀伏兵爲變事覺太祖欲宥榮死遇春直前曰人臣以反名尙何可宥臣義不與共生太祖乃飲榮酒流涕而戮之以是益愛重遇春池州帥羅友賢據賢山寨通張士誠遇春破斬之從援安豐比至呂珍已陷其城殺劉福通聞大軍至盛兵拒守太祖左右軍皆敗遇春橫擊其陣三戰三破之俘獲士馬無筭遂從達圍廬州城將下陳友諒圍洪

都召還會師伐漢遇於彭蠡之康郎山漢軍舟大乘上流鋒銳甚遇春偕諸將大戰呼聲動天地無不一當百友諒驍將張定邊直犯太祖舟舟膠於淺幾殆遇春射中定邊太祖舟得脫而遇春舟復膠於淺有敗舟順流下觸遇春舟乃脫轉戰三日縱火焚漢舟湖水皆赤友諒不敢復戰諸將以漢軍尙強欲縱之去遇春獨無言比出湖口諸將欲放舟東下太祖命扼上流遇春乃溯江而上諸將從之友諒窮蹙以百艘突圍諸將邀擊之漢軍遂大潰友諒死師還第功最賚金帛土田甚厚從圍武昌太祖還應天留遇春

督軍困之明年太祖卽吳王位進遇春平章政事太祖復視師武昌漢丞相張必先自岳來接遇春乘其未集急擊禽之城中由是氣奪陳理遂降盡取荆湖地從左相國達取廬州別將兵畧定臨江之沙坑麻嶺牛陂諸寨禽僞知州鄧克明遂下吉安圍贛州熊天瑞固守不下太祖使使諭遇春克城無多殺苟得地無民何益于是遇春浚壕立柵以困之頓兵六月天瑞力盡乃降遇春果不殺太祖大喜賜書褒勉遇春遂因兵威諭降南雄韶州還定安陸襄陽復從徐達克泰州敗士誠援兵督水軍壁海安壩以遏之其

秋拜副將軍伐吳敗吳軍於太湖於毗山於三里橋
遂薄湖州士誠遣兵來援屯於舊館出大軍後遇春
將奇兵由大全港營東阡更出其後敵出精卒搏戰
奮擊破之襲其右丞徐義于平望盡燔其赤龍船復
敗之於烏鎮遂北至昇山破其水陸寨悉俘舊館兵
湖州遂下進圍平江軍虎邱士誠潛師趨遇春遇春
與戰北濠破之幾獲士誠久之諸將破葑門遇春亦
破閶門以入吳平進中書平章軍國重事封鄂國公
復拜副將軍與大軍將達帥兵北征帝親諭曰當百
萬衆摧鋒陷堅莫如副將軍不慮不能戰慮輕戰耳

身爲大將顧好與小校角甚非所望也遇春拜謝旣
行以遇春兼太子少保從下山東諸郡取汴梁進攻
河南元兵五萬陳洛水北遇春單騎突其陣敵二十
餘騎攢槊刺之遇春一矢殪其前鋒大呼馳入麾下
壯士從之敵大潰追奔五十餘里降梁王阿魯溫河
南郡邑以次下謁帝於汴梁遂與大將軍下河北諸
郡先驅取德州將舟師並河而進破元兵於河西務
克通州遂入元都別下保定河間真定與大將軍攻
太原擴廓帖木兒來援遇春言於達曰我騎兵雖集
步卒未至驟與戰必多殺傷夜劫之可得志達曰善

會擴廓部將豁鼻馬來約降且請爲內應乃選精騎
夜銜枚往襲擴廓方燃燭治軍書倉卒不知所出蹶
一足乘孱馬以十八騎走大同豁鼻馬降得甲士四
萬遂克太原遇春追擴廓至忻州而還詔改遇春左
副將軍居右副將軍馮勝上北取大同轉徇河東下
奉元路與勝軍合西拔鳳翔會元將也速攻通州詔
遇春還備以平章李文忠副之帥步騎九萬發北平
徑會州敗敵將汪文清於錦州敗也速于全寧進攻
大興州分千騎爲八伏守將夜遁盡禽之遂拔開平
元帝北走追奔數百里獲其宗王慶生及平章鼎住

懷遠縣志卷之十八

傳英賢

七

等將士萬人車萬輛馬三千匹牛五萬頭子女寶貨
稱是師還次柳河川暴疾卒年僅四十太祖聞之大
震悼喪至龍江毅出奠命禮官議天子爲大臣發哀
禮議上用宋太宗喪韓王趙普故事制曰可賜葬鍾
山原給明器九十事納墓中贈翊運推誠宣德靖遠
功臣開府儀同三司上柱國太保中書右丞相追封
開平王謚忠武配享太廟肖像功臣廟位皆第三遇
春沉鷲果敢善撫士卒摧鋒陷陣未嘗敗北雖不習
書史用兵輒與古合長於大將軍達二歲數從征伐
聽約束惟謹一時名將稱徐常遇春嘗自言能將十

萬衆橫行天下軍中又稱常十萬云遇春從弟榮積功爲指揮同知從李文忠出塞戰死臚胸河遇春二子茂昇茂以遇春功封鄭國公食祿二千石予世券驕穉不習事洪武二十年命從大將軍馮勝征納哈出於金山勝茂婦翁也茂多不奉勝約束勝數誚責之茂應之慢勝益怒未有以發也會納哈出請降詣右副將軍藍玉營酒次與玉相失納哈出取酒澆地顧其下咄咄語茂方在坐麾下趙指揮者解蒙古語密告茂納哈出將遁矣茂因出不意直前搏之納哈出大驚起欲就馬茂拔刀砍其臂傷納哈出所部聞

懷遠縣志卷之十八

傳英賢

六

之有驚潰者勝故怒茂增飾其狀奏茂激變遂械繫至京茂亦言勝諸不法事帝收勝總兵印而安置茂於龍州二十四年卒初龍州土官趙貼堅死從子宗壽當襲貼堅妻黃以愛女予茂爲小妻擅州事茂旣死黃與宗壽爭州印相告訐或構蜚語謂茂實不死宗壽知狀帝怒責令獻茂自贖命楊文韓觀出師討龍州已而知茂果死宗壽亦輸款乃罷兵茂無子弟昇改封開國公數出練軍加太子太保昇之沒實錄不載其他書紀傳謂建文末昇及魏國公輝祖力戰浦子口死于永樂初或謂昇洪武中坐藍玉黨有告

其聚兵三山者誅死常氏爲興宗外戚建文時恩禮宜厚事遭革除無可考其死亦遂傳聞異詞昇子繼祖永樂元年遷雲南之臨安衛時甫七歲繼祖子寧寧子復弘治五年詔曰太廟配享諸功臣其贈王者皆佐皇祖平定天下有大功而子孫或不沾寸祿淪於氓隸朕不忍所司可求其世嫡量授一官奉先祀乃自雲南召訪授南京錦衣衛世指揮使嘉靖十一年紹封四王後封復孫元振爲懷遠侯傳至曾孫延齡有賢行崇禎十六年全楚淪陷延齡請統京兵赴九江協守又言江都有地名常家沙族丁數千皆其灌園蕭然布衣終老

懷遠縣志卷之十八

傳英賢

五

始祖遠裔請鼓以忠義練爲親兵帝嘉之不果行南都諸勲戚多恣睢自肆獨延齡以守職稱國亡身自贊曰明太祖奮自滁陽戡定四方雖曰天授蓋二王之力多焉中山持重有謀功高不伐自古名世之佐無以過之開平摧鋒陷陣所向必克智勇不在中山下而公忠謙遜善持其功名允爲元勲之冠身依日月剖符錫土若二王者可謂極盛矣顧中山賞延後裔世叨榮寵而開平天不假年子孫亦復衰替貴匹勲齊而食報或爽其故何也太祖嘗語諸將曰爲將

不妄殺人豈惟國家之利爾子孫實受其福信哉可
為為將帥者鑑矣

明史

宋濂開平王神道碑

大明勅賜銀青榮祿大夫上柱國中書平章
軍國重事兼太子少保鄂國常公贈翊運推
誠宣德靖遠功臣開府儀同三司上柱國太
保中書右丞相追封開平王謚忠武神道碑
銘

洪武二年己酉秋七月七日銀青榮祿大夫上柱
國中書平章軍國重事兼太子少保鄂國常公薨

懷遠縣志卷之十八

傳英賢

三

於軍中二十二日訃聞皇帝為之震悼罷朝在廷
之臣莫不洒泣越明日詔中書定議翊運推誠宣
德靖遠功臣開府儀同三司上柱國太保中書右
丞相追封開平王謚曰忠武八月朔日柩車至龍
江上往臨奠慟哭而還親為擇地於鍾山草堂之
原營建宅兆及棲靈之祠凡百須之具一給于官
不以煩其家至冬十月九日始葬復推恩及其三
代皆為王爵生榮死哀可謂至矣上猶念其功不
置召臣濂於庭而謂之曰朕東撫高麗西抵吐蕃
北際沙漠南來交趾占城莫不稽首奉命計其開

拓之功以十分而言王蓋居其七八朕今手錄戰
伐次第以授爾當爲文勒諸豐石以著王之功於
無窮焉臣濂受詔而退謹再拜序而銘諸幽王諱
遇春姓常氏濠州懷遠人世爲農家賦性剛毅膂
力絕人歲壬辰羣雄並起江淮爲之鼎沸時王年
二十有三爲羣盜劉聚所得聚覩王狀貌竒偉拔
於行伍而信任之王每出戰必鼓勇爭先聚深喜
之王嘗聚所爲終不能有成欲擇所依乙未聞上
駐兵和州領衆數十人棄聚來歸居兩月餘請爲
前部先鋒上曰爾之來者爲士卒糧絕故就食耳

懷遠縣志卷之十八

傳英賢

王

爾自有主我安得而留之王請之再三至於涕泣
上曰而姑從吾渡江俟克太平委身事吾未晚也
夏六月上先抵采石磯元兵陣于磯上而磯下巨
舟如織相距僅三丈餘猝難登岸王乘快舸相繼
而至上麾之使前王卽捨舟挺戈先登衆皆披靡
遂拔采石乘勝取太平從上守禦乃始授總管府
先鋒冬十月陞管軍總管丙申春二月元中丞蠻
子海牙復以兵屯采石南北不通上慮將士雖渡
江而其父母妻孥尙留淮西勢莫可致命王統兵
攻之王至設疑兵以分其勢而以正兵與之合及

戰別出奇兵擣敗之悉俘其精銳自是元兵扼江之勢衰矣尋守溧陽攻建康功爲諸將先三月從今大將軍右丞相徐公達克鎮江夏四月授承信校尉領軍先鋒秋九月再攻常州會青軍叛去與僞吳張士誠合徐公被圍於牛塘王與諸將力戰大敗其衆擒士誠梟將張將軍冬十有一月除統軍大元帥丁酉春三月遂克常州遷中翼大元帥夏四月從徐公下寧國秋八月克馬馱沙冬十月取池州戊戌擢江南行中書省都督馬步水軍大元帥冬十有二月上親取婺州己亥夏四月轉鎮

懷遠縣志卷之十八

傳英賢

三

國大將軍同簽書江寧等處行樞密院事守婺城尋命攻衢州降之冬十月陞僉院十有二月攻杭州庚子夏五月召還京師從徐公拔安慶趙普勝之水寨時僞漢陳友諒揚言援安慶王策其必攻池州以羸弱守城伏銳士於九華山明日友諒兵果來攻城伏兵四合俘殺萬餘人六月友諒入太平犯龍灣王共謀擊敗之已而上整舟師襲友諒留王守京師軍民無敢譁辛丑春三月拜江南行中書省參知政事秋七月從上取安慶破江州回守龍灣冬十有一月張士誠出兵寇長興上時駐

九江聞報還京師命王往援士誠兵敗俘殺四千餘人壬寅春修安慶城羅友賢搆亂據池州神山寨將與士誠通杭欵震動合王往攻之癸卯春正月擒斬羅友賢餘黨悉平三月張士誠遣兵圍劉福通於安豐王從上擊之將戰王突入其陣三戰三勝敵兵大敗而去俘獲士馬無算遂同徐公圍廬州凡三月城將下適陳友諒攻南昌王解圍而還秋七月從上率諸將往援八月遇友諒師於彭蠡湖之康郎山王與之聯舟大戰呼聲動天地無不一當百縱火焚偽平章舟風急火熾十里之間

湖水盡赤敵將張定邊素號梟猛奮前迎戰王射之定邊中矢走友諒乃退保鞋山諸將以友諒兵尙強請縱其去王獨不言及我師出湖口皆言江流湍急欲放舟而下上知其情命以舟扼上流王應之諸將乃逆流而上舟蔽江面控湖口者旬有五日友諒軍食乏出江求戰王遣火舟火筏禦之敵兵奔潰追北數十里與之酣戰自辰至未不解上所乘舟及王舟皆膠於沙王旣脫御舟而已舟被圍復力戰而脫于是友諒中流矢死士卒十萬皆降未幾其臣立友諒之子理於武昌冬十月王

帥師討之四面合圍甲辰春二月理衙壁出降荆湖之地望風皆附陞中書平章政事秋七月從徐公取廬州八月遂自將兵平臨江之沙坑麻嶺十洞牛陂諸寨進取贛州乙巳春正月克之悉定南安南雄韶州夏五月還兵取安陸襄陽冬十月從徐公克泰州丙午春三月復從克高郵夏四月淮安濠泗徐宿安豐皆下秋八月諸將攻浙西師次太湖僞萬戶尹義等逆戰王擒之直趨湖州之毗山與敵兵水陸鏖戰敵兵大潰遂抵城下塞其四門晝夜環攻之僞丞相張士信悉發境中兵爲援

懷遠縣志卷之二十八

傳英賢

雷

屯於舊館出我師之背王統竒兵由大僉港入結營東阡復出敵背且填壅溝港絕其歸路士誠知事急出親兵拒鬪王一鼓勝之士誠復遣其將徐義統赤龍船親軍來援王復擊敗於烏鎮冬十月舊館降得兵六萬十有一月湖州亦下遂進圍平江丁未圍之益急士誠收合餘燼猶背城百戰降其將士且盡秋九月始克之縛士誠來獻籍其兵二十有五萬乃加授中書平章軍國重事䟽封鄂國進爵上公冬十月復授征虜副將軍同徐公奉命北伐戊申春正月上卽皇帝位國號大明改元

洪武王與徐公下山東諸郡遂攻汴梁守臣李景昌遁進攻河南敵兵五萬屯於洛水之北將出迎戰王布陣既定單騎執弓矢衝入其隊敵發二十騎攢槊刺王王一箭中其前鋒大呼殺入悉獲其衆而河南諸城先後皆平上幸汴京謀取燕都秋七月徐公與王渡大河河北諸郡又平八月二日燕郡不戰而克元君北奔師次太原其守將廓廓帖木兒帥衆來禦其鋒銳甚王與徐公謀曰我騎兵雖集而步卒未至何以能戰莫若遣精騎夜劫其營其衆可亂衆亂主將可縛也徐公如王言廓

廓帖木兒果中傷而遁已酉春正月進攻大同竹貞棄城走河東又平遂西入春張良弼遁李思迎降奉元鳳翔鞏昌臨洮又平夏五月元將也速兵侵通州有旨命王以所部軍東還拒之遂擣永平過惠州獲江文清士馬以千計至大寧也速遁破開平元君又北奔追至北河俘其宗王三人及平章鼎住等凡得軍士萬人車萬兩馬三千牛五萬全師還燕次柳河川得疾而薨享年僅四十爾王之爲人守謙而不矜有功而無過運籌決勝之才不學而能其從大將軍東征西伐而能遵守節制

及其自將兵則所至無不克捷由其智識明而材力雄故施之各得其宜嗚呼若王者可謂開國之殊勲者矣王之曾大父四三府君累贈銀青榮祿大夫上柱國中書平章政事追封開平王謚莊簡妣張氏追封開平王夫人大父重五府君累贈儀同三司上柱國少保中書平章政事追封開平王謚安穆妣陳氏追封開平王夫人父六六府君累贈開府儀同三司上柱國太保中書右丞相追封開平王謚靖懿妣高氏封開平王夫人妻定遠縣藍氏封開平王夫人子男三人曰茂曰升曰森皆

懷遠縣志卷之十八

傳英賢

美

上所賜名女三人長許爲皇太子妃餘皆幼臣濂聞之昔日唐太宗起義兵而定天下當時有尉遲恭者棄劉武周仗劍來從其後輔成唐業而恭之功爲多於是生有鄂國之封歿有忠武之謚今王之功非恭所可及上之所以遇王者封謚與之雖同而其王爵之加恩數優渥揆之於唐誠又過之史臣所謂君臣相遇千載一時者豈不異世而同符也哉是宜銘諸貞石傳之千萬世一以昭聖天子垂念功臣如此之至一以著王之勲烈於不朽云爾銘曰聖皇開天豪傑四從龍興而雲虎嘯而

風義旗所指山嶽震動飈馳霆春孰不神竦維忠
武王其氣至剛杖劍來從飛渡大江無堅不摧無
銳不碎席巷長驅易如拾芥平吳定越帖荆撫淮
威聲所加小大畢來齊魯旣寧汴洛亦定直指幽
燕不戰而勝元君遠逝六軍倒戈本根旣撥何有
條柯乃收晉冀乃清秦隴乃徇遼海人百其勇茫
茫朔漠樂河所經誓將剗滌邊塵弗驚王之忠精
上貫天日燧其有光亘古不沒幅員之廣漢唐莫
過馬蹄所及王功爲多十五年間百戰百捷備殫
勤勞光輔帝業翊運之勲靖遠之威在古或罕於

懷遠縣志卷之十八

傳英賢

三

今見之大功垂成王忽長逝當宁興哀如失一臂
爰加恩寵用錫王封衮衣繡裳照耀泉宮天子曰
噫未憐朕志其推爾爵上褒三世死生哀榮孰可
比焉王雖云歿生死凜然鍾山之陰隧道有石詞
臣勒銘垂示千億

宋學士集

按宋濂碑不載遇春字明史云字伯仁而常氏家
譜云字燕衡常氏譜頗贅陋不足信也

常德勝常維德皆遇春再從弟明史趙德勝傅康郎
山之戰死者三十五人千戶常德勝常維德等肖像
康郎山忠臣廟有司歲致祭功臣表常德勝封懷遠

縣子常維德封萬春縣男

按舊縣志常德勝大號千戶所管軍右副千戶死
事鄱陽湖贈武毅將軍飛騎封壽春男常維德為
驍騎衛管軍鎮撫戰鄱陽湖贈武德將軍封懷遠
子二人封爵與明史異武毅將軍飛騎亦無此結
銜當亦是襲常氏譜之譌

常榮亦遇春再從弟明史丁良臣傳北征至臚胸河
收其部落追至阿魯渾阿敵騎大集將士皆殊死戰
敵大敗走而良臣與指揮周顯常榮張耀皆戰死榮
開平王遇春再從弟歷指揮僉事遇春卒于軍榮護

懷遠縣志卷之十八

傳英賢

天

喪還從朱亮祖平蜀累官至振武衛指揮

亦見遇春傳

舊縣志常榮遇春再從弟也資稟雄毅年未冠遭

元末亂從軍安豐歲癸卯渡江歸太祖卽以隸開

平麾下從征有功進階宣武將軍開平王薨于軍

榮護喪還陞武德衛指揮同知階懷遠將軍仍俾

世襲洪武四年從永嘉侯朱亮祖伐蜀軍還改振

武衛指揮同知五年春正月從岐陽王李文忠北

征沙漠夏六月戰于阿魯渾河陷陣死之賜葬本

縣之賈村宋濂奉勅撰墓碑

按宋濂碑乃開平王非榮也亦常氏譜之

誤

花雲懷遠人貌偉而黑驍勇絕倫至正十三年癸巳杖劍謁太祖於臨濠竒其才俾將兵畧地所至輒克破懷遠禽其帥攻全椒拔之襲繆家寨羣寇散走太祖將取滁州率數騎前行雲從猝遇賊數千雲舉鉞翼太祖拔劍躍馬衝陣而進賊驚曰此黑將軍勇甚不可當其鋒兵至遂克滁州甲午從取和州獲卒三百以功授管勾乙未太祖渡江雲先濟旣克太平以忠勇宿衛左右從下集慶獲卒三千擢總管狗鎮江丹陽丹徒金壇皆克之過馬馱沙劇盜數百遮道索戰雲且行且鬪三日夜皆禽殺之授前部先鋒從拔

常州守牛塘營太祖立行樞密院於太平擢雲院判丁酉克常熟獲卒萬餘命趨寧國兵陷山澤中八日羣盜相結梗道雲操矛鼓譟出入斬首千百計身不中一矢還駐太平庚子閏五月陳友諒以舟師來寇雲與元帥朱文遜知府許瑗院判王鼎結陣迎戰文遜戰死賊攻三日不得入以巨舟乘漲緣舟尾攀堞而上城陷賊縛雲雲奮身大呼縛盡裂起奪守者刀殺五六人罵曰賊非吾主敵盍趣降賊怒碎其首縛諸檣叢射之罵賊不少變至死聲猶壯年三十有九瑗鼎亦抗罵死太祖卽吳王位追封雲東邱郡侯瑗

高陽郡侯鼎太原郡侯立忠臣祠竝祀之方戰急雲
妻郃祭家廟挈三歲兒泣語家人曰城破吾夫必死
吾義不獨存然不可使花氏無後若等善撫之雲被
執郃赴水死侍兒孫塵畢抱兒行被掠至九江孫夜
投漁家脫簪珥屬養之及漢兵敗孫復竊兒走渡江
遇債軍奪舟棄江中浮斷木入葦洲採蓮實哺兒七
日不死夜半有老父雷老挈之行踰年達太祖所孫
抱兒拜泣太祖亦泣寘兒膝上曰將種也賜雷老衣
忽不見賜兒名煒累官水軍衛指揮僉事其五世孫
爲遼復州衛指揮請於世宗贈郃貞烈夫人孫安人

懷遠縣志卷之六

傳
英賢

三

立祠致祭

明史

宋濂東邱郡侯花公墓碑

皇上渡江之六年庚子夏閏五月癸酉僞漢主陳
友諒以舟師入寇圍太平行樞密院判花公率麾
下三千餘人結陣迎戰三日賊不得入乙亥城中
乏食公士馬愍城陷賊縛公急公怒奮身大呼縛
盡解起奪守者刀殺五六人罵曰虜非吾主敵也
曷不趣降賊怒碎公首縛于舟檣衆射之公至死
罵賊不少變已而賊犯龍江上命諸將力戰賊敗
遁去後五年甲辰上卽吳王位追封公東邱郡侯

又十六年其子僉水軍左衛指揮司事煒泣曰先公歿今二十年無文銘于神道竊恐忠烈不白於後世敢請惟公勲業始卒宜載國史余嘗待罪太史氏不敢以耄辭公諱雲姓花氏世爲懷遠人自考以上姓名皆亡莫知遷徙世次然皆不顯公少孤隨母嫁張氏貌偉而黑驍勇絕人儕輩畏服之歲癸巳杖劍詣上于臨濠上奇其材力俾將兵畧地所至輒克懷遠城破虜其帥以歸進攻全椒拔之羣寇據繆家寨公俟夜襲之寇散走上將取滁州單騎前行遇賊數千人於道拔劍躍馬衝其陣

懷遠縣志卷之十八

傳英賢

三

而過賊驚曰此黑將軍勇甚不可與爭鋒兵旣至遂克滁州甲子從上取和州得卒三百以功授管勾明年乙未率所部先渡江上克太平以公忠勇可信任命宿衛左右丙申上破集慶公得兵千人升總管狗鎮江丹陽丹徒金壇諸縣皆下之過馬馱沙劇盜數百遮道索戰公且行且鬪三日夜皆禽殺之授前部先鋒攻常州拔其城駐守牛塘營夏六月立行樞密院於太平遂拜公院判階安遠大將軍丁酉春正月克常熟州獲卒萬餘命公將之秋七月以兵三千之寧國陷山澤中者八日羣

盜蟠結梗道

譟出入營壘間斬首千百計

而身不中一矢還命守

卒之時年三

十有九夫人郜氏公與僞漢戰時一子方三歲夫人以牲酒祭家廟會家人泣曰今城且破吾夫忠義人必以身死之吾夫死吾必不獨生然不可使花氏無後嬰兒在若等善撫育之間公就禽夫人赴水死年甫三十有五侍兒孫氏瘞夫人屍遂抱兒以行僞漢軍虜之至九江軍中惡養小兒孫氏以兒授漁家屬之曰此兒良宜善視之是年冬王師伐僞漢漢敗孫氏至漁家視兒在矚漁人出竊

懷遠縣志卷之十八

傳
英賢

三

負以走夜宿陶穴中天曙脫簪傲舟渡江遇漢僨軍奪舟棄江中孫氏抱兒遇斷木浮至附之入葦洲採蓮實哺兒七日不死夜半聞人語聲呼之逢老父號雷老告之故與之俱行明年辛丑春二月達上所孫氏泣抱兒拜上上亦泣寘兒于膝曰此將種也賜雷老衣遣之復其徭已而令人追之忽不見兒八歲侍皇太子就學年十三授虎賁右衛副千戶後七年拜今官煒也煒於洪武丁巳偕孫氏至太平奉夫人骸骨歸乃束草像公以二月巳未合葬上元縣南五十里之水橋嗚呼觀公之死

賊與妻妾之報公可以知公之爲人矣天不殄其
後豈不宜哉銘曰雲雷邁屯區宇分篤生真人鎮
乾坤騎龍鞭霆下天門前翼後衛翥若雲誰其最
雄花將軍力驅智駕敵萬人蹂躪羣盜猶靡磨大
刀長戟屬橐鞬左麾右刺流電奔緋衣縑弁貔虎
屯駐馬飲江江水渾吳楚之域殺氣昏手挽天河
洗妖氛軍聲隆然若雷震遭者膽落兩足蹲元戎
開府大江濱腰佩兵符威令尊控制上游爲國藩
僞漢恃力不圖存建旗揚帆事鼓鉦艨艟蔽江躡
鉤援搃牛享士士氣伸馳馬督戰寧顧身賊焰熾

懷遠縣志卷之十六

傳
英賢

三

若烈火焚大戰三日勢愈殷單騎赴之齒齧齟怒
髮上指目吐烟叶汝賊凶頑犬與豚願醢汝肉一
口吞賊慙耳塞不忍聞至死不屈酬國恩飄然乘
雲叩帝閭請爲厲鬼扼賊元賊當殛死洗厥冤天
子下詔褒忠勲東邱之侯賁九原孤兒保育寵便
蕃不墜宗祀天所敦生爲烈士死明神神靈在天
光焯焯嗟爾來觀萬子孫繼忠思孝慎勿諉弗信

請考太史文
宋學士集

李東陽花將軍歌花將軍身長八尺勇絕倫從龍
渡江江水渾提劍躍馬走平陸敵兵不能逼主將

不敢嗔殺人如麻滿川谷徧體無一刀鎗痕太平
城中三千人楚賊十萬勢欲吞將軍怒呼縛盡絕
罵賊如狗狗不獵檣頭萬箭積如蝟將軍願死不
願生作他人臣郃夫人赴水死有妻不辱將軍門
將軍侍婢身姓孫收屍葬母抱兒走爲賊俘虜墮
風塵寄兒漁家屬漁姥死生已分歸蒼旻賊平身
歸竊兒去夜宿隲穴如生墳亂兵爭舟不得渡墮
水不死如有神浮槎爲舟蓮爲食空中老婦能知
津孫來抱兒達行在哭聲上徹天能聞帝呼花雲
兒風骨如花雲手摩膝置泣復歎兒汝不死猶雲
我欲賦豈有筆力回千鈞

懷遠縣志卷之十八

傳
英賢

三

湯友恭洪武十七年甲子 月任都察院右都御史
二十一年戊辰 月免 明史七卿表

舊縣志湯友恭洪武初以人才應薦歷官都察院
左都御史見都察院題名記 按友恭處明祖英
察之朝與詹徽同爲御史者五年意其材必有過
人者而明史無所表見邑中湯氏俱非其後人遂

至字號行事湮沒不可考甚可惜也

朱能字士宏懷遠人父亮從太祖渡江積功至燕山護衛副千戶能嗣職事成祖藩邸嘗從北征降元太尉朶兒不花燕兵起與張玉首謀殺張昺謝貴奪九門授指揮同知帥衆拔薊州殺馬宣下遵化從破雄縣戰月漾橋執楊松潘忠降其衆於鄭州長驅至真定大敗耿炳文軍獨與敢死士三十騎追奔至滹沱河躍馬大呼突南軍軍數萬人皆披靡蹂藉死者甚衆降三千餘人成祖以手札勞之進都指揮僉事從援永平走吳高襲克大寧還將左軍破李景隆於鄭

懷遠縣志卷之十八

傳
英賢

三

村壩從攻廣昌蔚州大同戰白溝河爲前鋒再敗平安軍進攻濟南次鐔山南軍乘高而陣能以奇兵繞其後襲破之降萬餘人從攻滄州破東門入斬首萬餘級東昌之戰盛庸鐵鉉圍成祖數重張玉戰死事急能帥周長等殊死鬪翼成祖潰圍出復從戰夾河譚淵死燕師挫能至再戰再捷軍復振與平安戰藁城敗之追奔至真定畧地彰德定州破西水寨將輕騎千人掠衡水獲指揮賈榮克東阿東平盡破汶上諸寨旣而王真戰死泲河燕軍屢敗諸將議旋師能獨按劍曰漢高十戰九敗終有天下今舉事連得勝

小挫輒歸更能北面事人耶成祖亦叱諸將曰任公等所之諸將乃不敢言遂引兵南敗平安銀牌軍都督陳暉來援又敗之遂拔靈璧軍禽平安等降十萬衆累遷右軍都督僉事進克泗州渡淮敗盛庸兵拔盱眙下揚州渡江入金川門九月甲申論功次邱福授奉天靖難推誠宣力武臣特進榮祿大夫右柱國左軍都督府左都督封成國公祿二千二百石與世券永樂二年兼太子太傅加祿千石四年七月詔能佩征夷將軍印西平侯沐晟爲左副將軍由廣西雲南分道討安南帝親送之龍江十月行次龍州卒於

懷遠縣志卷之十八

傳
英賢

姜

軍年三十七能於將軍中年最少善戰張玉善謀帝倚爲左右手玉歿後軍中進止悉諮能能身長八尺雄毅開豁居家孝友位列上公未嘗以富貴驕人善撫士卒卒之日將校皆爲流涕敕葬昌平追封東平王諡武烈洪熙時配享成祖廟廷子勇嗣以元勳子特見任用歷掌都督府事留守南京永樂二十二年從北征宣宗卽位從平漢庶人征兀良哈張輔解兵柄詔以勇代勇以南北諸衛所軍備邊轉運錯互非便請專令南軍轉運北軍備邊又言京軍多遠戍非居重馭怒之道請選精兵十萬益之又請令公侯伯

都督子弟操練皆報可正統九年出喜峯口擊朵顏諸部至富峪川而還爲兵部尙書徐晞所劾詔不問尋論功加太保勇顏面虬鬚狀貌甚偉勇畧不足而敬禮士大夫十四年從駕至土木迎戰鶴兒嶺中伏死所帥五萬騎皆没于謙等追論勇罪奪封景泰元年勇于儀乞葬祭帝以勇大將喪師辱國致陷乘輿不許已請襲禮部尙書胡濙主之又以立東宮恩得嗣減歲祿至千石天順初追封勇平陰王諡武愍儀及子輔皆守備南京又三傳至希忠從世宗幸承天掌行在左府事至衛輝行宮夜火希忠與都督陸炳

翼帝出由是被恩遇入直西苑歷掌後右兩府總神機營提督十二團營及五軍營累加太師益歲祿七百石代郊天者三十九賞賚不可勝紀卒追封定襄王諡恭靖萬歷十一年以給事中余懋學言追奪王爵弟希孝亦至都督加太保卒贈太傅諡忠僖希忠五傳至曾孫純臣崇禎時見倚任李自成薄京師帝手敕純臣總督中外諸軍輔太子敕未下城已陷爲

賊所殺

明史

按能之子孫今多姓武或以爲明亡之後欲自別于明裔故以能之諡爲姓云

李遠懷遠人襲父職爲蔚州衛指揮僉事燕兵攻蔚州舉城降南軍駐德州運道出徐沛間遠以輕兵六千詐爲南軍袍鎧人種柳一枝於背徑濟寧沙河至沛無覺者焚糧舟數萬河水盡熱魚鱉皆浮死南將袁宇三萬騎來追伏兵擊敗之建文四年正月燕軍駐蠡縣遠分哨至藁城遇德州將葛進步騎萬餘乘冰渡滹沱河遠迎擊之進繫馬林間以步兵接戰遠佯却潛分兵出其後解所繫馬再戰進引退失馬遂大敗斬首四千獲馬千匹成祖以歲首大捷賜書嘉勞曰將軍以輕騎八百破敵數萬出奇應變雖古名

懷遠縣志卷之十八

傳英賢

三

將不過也復遣哨淮上敗守淮將士斬千餘級累功爲都督僉事封安平侯祿千石予世伯券永樂元年偕武安侯鄭亨備宣府遠沈毅有膽畧言論慷慨卽從邱福出塞至臚胸河諫福不聽師敗遠帥五百騎突陣殺數百人馬蹶被執罵不絕口死年四十六追封莒國公諡忠壯子安嗣伯爵洪熙元年爲交阯叅將失律謫爲事官已從王通棄交阯還下獄奪券謫赤城立功英宗卽位起都督僉事征阿合朶兒只伯遷都督同知充總兵官鎮松潘正統六年副定西伯蔣貴征麓川貴令安駐軍潞江護餉而自帥大軍進

賊破安耻無功聞有餘賊屯高黎貢山徑往擊之爲所敗失士卒千餘人都指揮趙斌等皆死逮下獄謫戍獨石卒詔授子清都指揮同知
明史
柳升懷遠人襲父職爲燕山護衛百戶大小二十餘戰累遷左軍都督僉事永樂初從張輔征交趾破賊魯江斬其帥阮子仁等守鹹子關賊入富良江舟亘十餘里截江立寨陸兵亦數萬人輔將步騎升將水軍夾攻大敗之獲僞尙書阮希周等又敗賊於竒羅海口得舟三百部卒得季犛及其子澄升賁露布獻俘被賞賚師還封安遠伯祿千石子世券七年同陳

懷遠縣志卷之十八

傳
英賢

三

瑄帥舟師巡海至青州海中大破倭追至金州白山島而還明年從北征至回曲津將神機火器爲前鋒大敗阿魯台進封侯加祿五百石仍世伯爵出鎮寧夏討斬叛將馮答蘭帖木兒等召還摠京營兵十二年復從北征將大營兵戰忽蘭忽失温以火器破敵十八年蒲臺妖婦唐賽兒反命升與都指揮劉忠將京軍往勦圍其寨升自以大將意輕賊賊乞降信之夜爲所襲忠中流矢死賽兒遁去及明始覺追獲其黨百餘人都指揮衛青力戰解安邱圍升忌其功摧辱之徵下獄已得釋二十年復從北征將中軍破兀

良哈於屈製兒河于世侯帝五出塞升皆從數有功
寵待在列侯右仁宗卽位命掌右府加太子太傅宣
德元年冬成山侯王通征黎利敗聞命升爲征虜副
將軍充總兵官保定侯梁銘爲左副總兵都督崔聚
爲參將尙書李慶贊軍務帥步騎七萬會黔國公沐
晟往討時賊勢已盛道路梗絕朝廷久不得交趾奏
報二年六月有軍丁李茂先者三人間道走京師言
昌江被圍急帝授三人百戶敕升急進援而昌江已
於四月陷九月升始入隘留關利僞爲國人上書請
立陳氏後升不啓封以聞賊緣途據險列柵官軍連

懷遠縣志卷之二十八

傳英賢

早

破之抵鎮夷關升以賊屢敗易之時李慶梁銘皆病
甚郎中史安主事陳鏞言於慶曰柳將軍辭色皆驕
驕者兵家所忌賊或示弱以誘我未可知也防賊設
伏璽書告誡甚切公宜力言之慶強起告升升不爲
意至倒馬坡與百餘騎先馳度橋橋遽壞後隊不得
進賊伏四起升陷泥淖中中鏢死其日銘病卒明日
慶亦卒又明日崔聚帥軍至昌江賊來益衆官軍殊
死鬪賊驅象大戰陣亂賊大呼降者不死官軍或死
或走無降者全軍盡沒史安陳鏞及李宗昉潘禪皆
死之崔聚懷遠人從成祖起兵八年從北征敗敵於

廣漠戍洪熙元年累遷左軍都督僉事至是力戰被
執賊百計降之終不屈死升質直寬和善撫士卒勇
而寡謀遂及於敗升敗沐晟師不得進亦引還王通
孤軍援絕遂棄交趾朝議以升喪師不令子溥襲爵
久之乃許正統十二年贈升融國公諡襄愍溥初掌
中府出鎮廣西廉慎然無將畧承山雲後不能守成
法過於寬弛猺獞相煽爲亂溥先後討斬大藤峽賊
渠破柳州思恩諸蠻寨而賊滋蔓如故景泰初兵事
亟召掌右府總神機營事定復出鎮天順初召還防
宣府大同累進太傅陝西有警命佩平虜大將軍印

懷遠縣志卷之十八

傳
英賢

聖

往禦敵再入涼州溥閉壁不出敵飽掠去躡取數十
級報捷被劾落太傅閒住尋復起掌神機營卒諡武
肅孫景嗣景子文文子珣凡三世皆鎮兩廣有平蠻
功嘉靖十九年命珣佩征夷副將軍印征安南莫登
庸登庸乞降加太子太傅又以討瓊州黎賊功加少
保卒贈太保諡武襄傳至明亡爵絕

明史

崔聚事見柳升傳

舊縣志崔聚永樂初以靖難功授左軍都督宣德
四年從安遠侯柳升征交趾連破賊營至倒馬坂
入賊伏中升戰死聚收散卒進至昌江遇賊衆寡

不敵被執不屈而死 按縣中花氏柳氏絕少李氏雖多莫稔誰爲莒公之裔惟崔氏猶盛

魏貞懷遠人進士官御史英宗之出也備文武百官以行六師覆于土木將相大臣及從官死者不可勝數英國公張輔及諸侯伯死者自有傳其餘姓氏可考者卿寺則龔全等給事御史則包良佐魏貞等庶寮則齊汪等景帝立旣贈恤諸大臣自給事御史以下皆降勅褒美錄其子爲國子生一時卹典綦備云明史王佐傳

魏貞字正己號默齋正統辛酉舉人壬戌進士擢

懷遠縣志卷之十八

傳英賢

聖

任湖廣道監察御史轉雲南通監察御史也先犯邊隨英廟出師土木兵潰從者勸之走叱曰皇上在此遂罹于難年三十有四以遺髮與衣葬樂善鄉土山之原景泰四年八月勅贈故監察御史魏貞勅曰朝廷設監察御史欲其振紀綱而厲風俗以弼成國家之治非得剛方清直之士曷克稱茲爾雲南道監察御史魏貞發身賢科授職于斯比以隨征陷于戰陣勞苦可憫良切朕心茲特進贈爾階承事郎職如故錫之勅命以示旌褒嗚呼人孰無死惟死于國事者爲至榮也爾尙祇服隆恩

永慰冥冥又勅曰雲南道監察御史魏貞從駕北
征死于土木錄其後廕一子入監讀書入祀鄉賢

祠
魏氏譜

年富字大有懷遠人本姓嚴訛爲年以會試副榜授
德平訓導年甫踰冠嚴重如老儒宣德三年課最擢
吏科給事中糾正違失務存大體帝以六科任重命
科擇二人掌其事乃以富與賈銓竝掌刑科都御史
顧佐等失入死罪十七人富劾之帝詰責佐等英宗
嗣位上言永樂中招納降人糜以官爵坐耗國帑養
亂招危宜遣還故土府軍前衛幼軍本選民間子弟

懷遠縣志卷之十八

傳
英賢

三

隨侍青宮今死亡殘病僉補爲擾請於二十五所內
以一所補調勿更累民軍民之家規免稅徭員僧道
者累萬宜悉遣未度者復業議多施行遷陝西左參
政尋命總理糧儲陝西歲織綾絹氈毼九百餘疋永
樂中加織駝氈五十匹富請罷之官吏諸生衛卒祿
廩率以邊餉減削富請復其舊諸邊將校占墾腴田
有至三四十頃者富奏每頃輸賦十二石都督王禎
以爲過重疏爭之廷議減三之二遂爲定額又會計
歲用以籌軍餉言臣所部歲收二稅百八十九萬石
屯糧七十餘萬石其間水旱流移蠲逋負大率三分

減一而歲用乃至百八十餘萬人少出多今鎮守諸臣不量國計競請益兵餉由何給請減冗卒汰駑馬杜侵耗之弊帝可其奏三邊士馬供億浩繁軍民疲遠輸豪猾因緣爲奸利富量遠近定徵科出入慎鈎考宿弊以革民困大蘇富遇事果敢有爲權勢莫能撓聲震關中然執法過嚴僥倖者多不悅以是屢遭誣謗陝西文武將吏恐失富威上章陳其勞乃得停俸留任九載滿遷河南右布政使復有言富苛虐者帝命覈舉主將坐之旣知舉富者少師楊溥也意乃解富至河南歲饑流民二十餘萬公剽掠巡撫于謙

懷遠縣志卷之十八

傳英賢

富

委富輯之皆定土木敗後邊境道阻部檄富轉饒無後期者進左景泰二年春以右副都御史巡撫大同提督軍務時經喪敗法弛弊尤甚富一意拊循奏免秋賦罷諸州縣稅課局停太原民轉餉大同武清侯石亨武安侯鄭宏武進伯朱瑛令家人領官庫銀帛糴米實邊多所乾沒富首請按治詔宥亨等抵家人罪亨所遣卒越關抵大同富復劾亨專擅亨輸罪已削襄垣王府菜戶又杖其厨役之署教授事者又劾分守中官韋力轉參將石彪及山西參政林厚罪是時富威名重天下而諸豪家愈側目相與撻富罪于

謙方當事力保持之帝亦知富深故得行其志林厚力詆富帝曰厚怨富誣富耳朕方付富邊事豈輕聽人言加辱耶削厚官六年母憂起復七年富上言諸邊鎮守監鎗內官增於前如陽和天城一城二人擾民殊甚請減汰事格不行又言高皇帝定制軍官私罪收贖惟答則然杖卽降授徒流俱充軍律明甚近犯贓者輕皆復職重惟立功刑不足懲更無顧憚此皆法官過也下廷議流徒輸贖如故惟於本衛差操不得領軍英國公張懋及鄭宏各置田莊于邊境歲役軍耕種富劾之還軍於伍天順元年革巡撫官富

懷遠縣志卷之十八

傳英賢

五

亦罷歸頃之石彪以前憾劾富逮下詔獄帝問李賢賢稱富能祛弊帝曰此必彪爲富抑不得逞其私耳賢曰誠如聖諭宜早雪之諭門達從公問事果無驗乃令致仕明年以廷臣薦起南京兵部右侍郎未上改戶部巡撫山東道聞屬邑蝗馳疏以聞改左副都御史巡撫如故官吏習富威名望之讐服豪猾屏跡四年春戶部缺尙書李賢舉富左右巧阻之帝語賢曰戶部非富不可人多不喜富此富所以爲賢也特召任之富酌贏縮謹出納躬親會計吏不能欺事關利害者僚屬或不敢任富曰第行之吾當其責諸君

毋署名可也由是部事大理丁父憂奪哀如初憲宗立富以陝西頻用兵而治餉者非人請黜左布政孫毓用右布政楊璿參政婁良西安知府余子俊吏部尚書王翱論富侵官請下於理富力辨曰薦賢爲國非有所私也因乞骸骨帝慰留之爲黜毓頃之病疽卒賜諡恭定富廉正強直始終不渝與王翱同稱名臣初英宗嘗諭李賢曰戶部如年富不易得賢對曰若他日繼翱爲吏部非富不可然性好疑尤惡干請屬吏黠者故反其意嘗之欲事行故言不可卽不行故言可富輒爲所賣

懷遠縣志卷之十八

傳 英賢

吳

明故資政大夫戶部尚書謚恭定年公神道碑銘
榮祿大夫少保吏部尚書兼華蓋殿大學士知制誥南陽李賢撰

天順庚辰戶部尚書缺人上以年公可當其任有惡其執法者沮之乃屬吏部別推一人上曰掌國計者正用執法之人於是卒用年公命下朝紳皆悅已而在任公勤慎密士望益重一旦以疾卒無有不悼惜者其子請予爲神道碑銘乃按其僚友侍郎薛君狀公諱富字大有別號謙齋姓嚴氏系出漢嚴光之後上世莫詳所居曾祖孟暘仕元爲

萬戶侯守滁陽因家全椒元季兵亂子孫流徙鳳陽之懷遠洪武初附版籍誤以嚴爲年遂因之祖遇春父景和俱以公貴贈資政大夫戶部尙書祖妣朱氏妣邵氏俱贈夫人公甫十歲卽入邑庠爲弟子員天資明敏德性端重師友咸器異之稍長勵志勤學博究經史弱冠領永樂丁酉鄉薦明年以乙榜主師席於濟南之德平年雖少而教規甚嚴諸生多有造就秩滿以績最召擢吏科給事中於是感激盡職糾正違失務存大體尋掌刑科事才猷益著宣德丁卯吏部薦爲光祿少卿宣廟欲

懷遠縣志卷之十八

傳
英賢

宅

大用之乃留奏不下久之特陞陝西布政司左叅政至任卽巡歷郡邑察民隱革奸弊作興學校勸課農桑尤嫉賍吏貪墨者聞風卽托故解去時守鎮憲臣見公行事如此獨加重焉或指畫未宜聞公言卽止初三邊士馬衆盛供費浩繁民皆疲於遠輸而郡邑豪滑之徒又因緣爲奸邊儲至空乏朝廷深以爲慮於是屬公總理其事公乃斟酌遠近而定其徵科稽考收支而防其出入立法旣嚴夙弊盡革民不告勞而邊儲充實正統甲子陞河南右布政使惠政及民愈廣時隣省飢民流聚南

陽陳州等處無慮十數萬剽掠居民有司莫能制
公往撫諭乃分散安輯而賑恤之衆皆感公之德
願爲編民遂土著焉已巳轉爲左布政使未幾北
虜入寇雲中烽火通於京畿軍民走避道阻糧絕
朝廷憂之以公有謀爲特委督運糧餉入萬石濟
邊吏民間公號令皆冒險而進無有後期者邊餉
賴以充足明年用邊將論奏進陞都察院左副都
御史提督大同軍務兼理邊儲時軍民瘡痍未復
室家離散呻吟之聲不絕公招亡撫存賜貧恤孤
舉廢政革科徵抑豪橫廣衆田軍始有更生之望

懷遠縣志卷之十八

傳
英賢

吳

初倉庫所儲多爲勢要侵欺公至悉追復之於是
軍旅數興錢穀不足先時征勦虜寇總戎而下多
納賂冒功公至悉核實不錄故爵賞無濫景泰乙
亥丁外艱朝廷以邊警方急奪哀視事公懇乞終
制不允天順改元將官石彪因私怨以危事中公
逮繫於京賴上保全乃令致仕不數月又起公南
京兵部右侍郎巡撫山東隨復左副都御史公按
行青齊諸郡官吏畏服奸豪屏迹有夷人居東昌
者多頑獷弗率其守羅姓者尤爲桀黠公慮爲患
乃言於朝因其來京留之以消其不逞之謀庚辰

春召爲戶部尚書英廟知公忠直禮遇優厚公益
小心敬謹夙夜不懈以國計爲己任然處之以靜
不動聲息而事無不集物論翕然稱之癸未給賜
誥命詞極褒獎推恩二代甲申春公以年至七十
懇乞致仕上初臨御以公舊臣倚任方隆不允所
辭忽得瘡疾且劇上命醫往視竟不起深爲震悼
特賜諡曰恭定遣官御祭復命有司爲治葬事朝
之公卿大夫莫不弔哭盡哀公爲人剛正言不輕
發廉靜寡慾遇事敢爲臨利害不少變氣節才識
世不易得生於洪武乙亥十二月初七日卯時卒

懷遠縣志卷之十八

傳
英賢

吳

於天順甲申四月十六日享年七十配蘇氏贈夫
人早卒子男三人長曰茂早卒次曰芳國子生次
曰英次側室李氏一子曰華女四人何璟盧剛周
縉薛希良其婿也孫男八人廣慶庶庠庾靡序
卜以是歲月日歸葬于先塋之次爲之銘曰天順
人材一時極盛有若年公秉心尤正旣司國計法
不可搖堅如金石志在昂霄緬惟平生歷官最久
始終不渝惟道是守險夷一節國事勤勞芳名偉
績重於時毫一代名臣如公無幾爲鳳爲麟海內
咸視豈惟斯日而千萬年煌煌竹帛不朽其傳形

歸泉臺無虞有妥銘勒堅珉胡爲不可

故資政大夫戶部尚書諡恭定年公墓誌銘

賜進士及第進通奉大夫吏部左侍郎兼翰林院
學士知制誥廬陵陳文撰

公諱富字大有號謙齋年其姓也初本姓嚴由全
椒徙懷遠附籍誤以嚴爲年至今因之原其系漢
嚴光之後元有諱孟暘者爲萬戶統兵滁陽因家
焉實公之曾祖也祖諱遇春避元季兵亂始徙鳳
陽就懷遠而居焉父諱景和有隱德以公之貴祖
考俱贈資政大夫戶部尚書祖母朱氏母邵氏俱

懷遠縣志卷之十八

傳
英賢

辛

贈夫人公性資明敏端重而氣象屹然學究經史
言不輕發而動必以正有清白之操有忠毅之誠
好惡當於善惡而行之必力故其成功歷歷可述
也永樂丁酉京闈鄉薦明年以乙榜分教德平諸
生多有所造就九載考最擢吏科給事中已而調
掌刑科其獻可替否靡不盡善宣德乙卯吏部推
補光祿寺少卿員缺不果蓋欲留公有大用未幾
陞陝西左叅政九載郡邑官吏畏其威豪滑服其
法轉輸給邊而民不告勞正統甲子陞河南右布
政使其治之施亦若在陝而不易也時山東西連

歲不登民流入河南郡邑食者動數萬計土著者
擾公往撫諭分篤其衆令有司輯而賑之衆皆感
悅悉爲編民至今仰德已巳轉左布政使是歲北
虜入寇雲中烽警路阻餉絕明年戶部以公廉幹
有爲具奏勅公督運邊餉八萬石而邊賴以寧又
明年進都察院左副都御史提督大同軍務兼理
邊儲公招亡撫存興利舉廢杜侵漁清爵賞凡六
年邊將爲宿蠹者銜之乃憑藉近幸以危事中公
逮繫於京荷英宗睿皇帝明聖終不之罪乃俾致
政不數月又起公爲南京兵部右侍郎旣而轉戶

懷遠縣志卷之十八

傳
英賢

至

部巡撫山東隨復左副都御史公按行青齊治要
害之地處降附之夷以消患於未萌志益勤而行
益力也四年庚辰召還陞戶部尙書公感荷知遇
而於職務靡不究心遂拜誥封資政大夫且有讜
言惠政忠蓋老成之褒又推恩追贈其祖考妣考
妣豈偶然哉今年春皇上嗣位之初公適年滿七
十疏乞致仕詔慰留之以公舊臣方隆倚重而不
允所請也公勉就職踰月患頭瘡尤強視事暨疾
劇上遣醫來視不可救藥矣明日訃聞上深悼之
命官諭祭勅有司治葬事朝之公卿大夫咸往哭

之相與道公之所存所施始終口口至於臨利害
遭挫折而畧不少變良由存養之厚而浩然獨存
者不以物至有所加損也當與古之大臣並論之
而今其可多得哉上復因其子芳之請謚之曰恭
定公生於洪武乙亥十二月七日卒於天順甲申
四月十六日享年七十配口口贈夫人先卒子男
四茂芳英俱蘇出華尙幼側室李氏出蚤世芳爲
國學子生亦向用之口口也女四何璟盧剛周縉
薛希良其婿也孫男八廣慶庶廡庠庠應序曾孫
男一今芳等奉公之柩歸葬於其鄉先塋之次以

懷遠縣志卷之十八

傳
英賢

五

本部右侍郎濡頌薛公所述事狀詣予求葬銘因
序而銘之曰天生大材周于世用功崇譽流川增
山重不扶而直不鑿而通氣充遠到莫逾於公今
其逝矣弗替厥美求彼古人展也君子
明臣錄

允毅年公古之遺直朴忠自與中外薦歷乃貳憲
臺拊循疆場不合而歸蕭然一室輿論起公司徒
是職保民薦賢人服公識百世聞風懦夫可立
公諱富字大有號謙齋直隸懷遠縣人初姓嚴洪
武初附籍訛爲年遂因之永樂中公舉鄉試爲平

原教諭擢吏科給事中兼署刑科糾正違失務存
大體宣德乙卯吏部奏陞光祿少卿宣廟留不下
特陞陝西叅政到官巡歷郡邑察民隱革奸弊興
學勸農尤嫉賍吏正統九年陞河南右布政使流
民聚南陽陳州諸處無慮十數萬剽掠居民公撫
定之皆願爲編戶轉左布政使歲己巳北虜入寇
道阻糧絕朝廷憂之委公督糧八萬石濟邊邊將
遂論奏進左副都御史巡撫大同公舉廢政革科
徵覈實軍功爵賞無濫天順改元將臣石彪欲中
傷賴英廟保全令致仕不數月起爲南京兵部右

懷遠縣志卷之十八

傳
英賢

三

侍郎轉戶部巡撫山東又改左副都四年春召爲
戶部尙書公益恣懋夙夜不懈以國計爲己任不
動聲色而事無不集八年公以陝西累年用兵而
督饟多不得人乃薦方面有司楊璿余子俊等可
用吏部以爲侵官公上疏極論薦賢爲國之道且
求致仕不許忽得瘡疾上命醫往視竟卒輟視朝
一日賜謚恭定公爲人剛正言不輕發廉靜寡慾
遇事敢爲臨利害不少變氣節才識爲時推重故
其死人尤惜之

生員許廷幹校字